

Crown Ind. Univ. Jagell.
Promotiones Philos. Ord.
1645 13 gbris 5.



1200

kat.komp.

I. Mag. St. Dr.

P

Wolcke Matthias Michaelis: Verdoratum
Helionis Sarmatici botris autumnar-
tibus efflorescens. Ingeniis Doliscen-
tibus, primam in Philosophia laurcam
capessentibus - demonstratum.

Biblioteka Jagiellońska



stdr0001085



VIRIDARIVM

Heliconis Sarmatici.

Botris Autumnalibus efflorescens.

Ingenuis Adolescentibus, primam in Philosophia lauream capeſſentibus.

Decanatu

Excellentiſſ. ac doctiſſimi Domini.

M. ALBERTI RAYMVNDI

S T R A Z Y C.

Philosophiæ Doctoris, Collegæ Minoris &c.

Promouente.

Excellente Domino

M. MARTINO SŁONKOWICZ

Collega Minore, Contubernij Iagelloniani Seniore.

Demonſtratum.

Et per

MATTHIAM MICHAËLEM WOLICKI. Eiusdem Laureæ Candidatum. Publicatum

Anno Domini 1645. 13. 8bris.

C R A C O V I Æ.

In Officina Chriſtophori Schedelij. S. R. M. Typ:

INSTEMMA
ILLVSTRISSIMÆ SLVSZKARVM
domus.

BIBLIOTHECA
VNI. MAGELL.
CRACOVIENSIS



Lunarum in medio quid sit? perpendite. Mucro est.
Słuszkorum domus hoc nobile Stemma gerit.
Ille fugat Patrijs diros de finibus hostes.
Lunæ virtutum lucida signa notant.

NICOLAVS SZPLC,
Stud. Poet.

1200 I



Perillustri ac Magnifico
Domino.

D. SIGISMVND O
SŁVSZKA.

Palatinidæ Troceñ: Homeliēñ:
& Propoyscen.

CAPITANEO.

Domino & Fautori obseruandissimo.

Hortorum amenitate forsitàn delectaris: PERIL-
LVSTRIS AC MAGNIFICEDOMINE: quem-
admodum ex Iconibus eorundem apud te perspexi.
Nec sanè aspernandum. Siquidem eorum amenitas
animis oblectamenta adfert, curas de pectore pellit, ipsam deni-
que imbecillum reficit valetudinem. Hortus est Alma hæc Cra-
couiensis, Academia, cuius ea est præstantia, vt Sarmaticam hanc
regionem, olim barbaram, odore suo non tantum illustrauerit,
sed etiam cæteris reddiderit laudabilem. Erectorem huius vide:

Rex

02752 241 1001 11 A2

1009, 1002

Præfatio.

Rex fuit: & iam non regibus, sed Diuis adscribendus, omni semper celebrandus memoria. Hic operarij Professores assiduo ingeniorum suorum studio, crescentes quotidie figunt palmites, vberrimos produnt fructus, inuentus flores legit nobilissima, quò & Ecclesiæ ornamento, patriæ suæ adiumento, cæteris deniq; solatio sit eximio. Ea etiam mens fuerat Illustrissimi Tui Parentis, vt te ad tam celebre Musarum Sarmaticarum ablegaret Viridarium. Quod ego tibi animo ipso dedicare decreui. Tibi visum est (inquam) dedicare: nam & ingens humanitatis tuæ signum in me est, & candor animi singularis, quo vt semper in me esses, semel factus es. Ego quidem glorior, & me felicem existimo. Magna est Illustrissimi Parentis Tui gloria, vt honores, stirpe & Nobilitate Sua promeruerit. Vniuersæ tuæ familiae splendor summus. Stemmata ipsa testimonio sunt. Qui Mucrone Vestro Othomanicas dissecastis lunas, vt hucusq; in medio earum fixus conspiciatur: gloriosum semper ipsis posteris relicturi opus. Quo & Tu PERILLVSTRIS AC MAGNIFICE DOMINE vt celebrior fias, florentissimum hoc Sarmatiæ Viridarium, Tibi à me consecratum beneuolo mentis affectu suscipe, eumque Mucrone Tuo defende. Delectare suauissimis ex eo odoribus: & quanto carior & dulcior patriæ fieri possis, tantò vberiores ex eo percipias fructus. Ostende te creuisse, hinc semina aliqua sunt, virtutibus. Quod ego tibi apprecor submisisse.

Perillustis & Magnifice Dominationis Tuæ.

Seruitor humillimus,

Matthias Michael Wolicki.

Floren.

FLORENTISSIMÆ PARENTI
ACADEMIÆ

ODE Monocolos.

MAter Lechiadum, fulgida laus Craci,
O & Pieridum fons Academia.
Sunt qui te Phrygiam cum pretio ratem,
Fortunam gremio Lechiaci soli
Portantem volucris sic animo ferunt.
Sunt qui te celebrant carmine regiam,
Reges quippe decet vox sapientiæ.
Altricem iuuenum, qui penetralia
Diuorum vocitant, hic iuuenes decus,
Et Diui capiunt cælicolæ locum.
Sunt quos ferre tibi montis Olympij
Nomen, siue domus Castalidum, iuuat.
Fulges Sarmaticis splendida nam polis,
Et palmam Aonis præripis artibus.
Ensemque intrepido prouida militi
Das. Paucis referam, tu toga, tu sagum.
Me delectat odor, nomina prouocat

A 3

Horti

Horti danda tibi, vel redolentium
Florum, palmitibus conspicuæ domus,
Es sane Hesperijs cultior hortulis,
Flores eliciens dulcia germina.
Hic carpunt iuvenes poma fragrantia,
Hic Phæbus roseus floribus affluit.
Hic & doctificus gaudet odoribus
Hortus, delicias cuique dabit suas.
Ergo fructiferis, consite vitibus
Florescas roseis floribus ætheri

Dino Tutelari

IOANNI CANTIO

Academico Patriarchæ.

ET

Vigilantissimo Viridarij huius Custodi.

O DE Dicolos Tetraastrophos.

DIue, quem sacra colit æde Cracus,
Cuius ad claram veneratur urnam
Corporis casti cineres, piaque
Voce fatigat.

Qui

Qui tenes cælis placidæ quietis
Littus optatum: nimis inquieto
Emari mundi exiliens, beatam &
Aspicias arcem.

Quo nec insani Boreæ tumultus,
Nec furor nubes glomerantis Austri,
Permeant vnquam, manet ast perennis
Aula quietis.

Quo locus cuncti vacuus pericli
Sæua fortunæ nimium furentis
Tela contemnit: fruiturque pacis
Lege Beatæ.

Supplici seruit tibi corde Lechus
Te suis patrem vocat in periclis
Atque Patronum, tibi dat Sabæi
Thuris odores.

Te per excellas cupit adnotari
Vrbium turrets, niueasque Craci
Ciuium sedes, tibi casta tumbam
Turba coronat.

Te coruscantis tenet aula cæli,
Nos molestiarum variâ tenemur
Mole curarum, dubique surgunt
Vndique casus.

Sub-

2 Barbaras nostris procul ipse pelle
Finibus turmas, fugiantque prædæ
Quos fames angit: celer hos sub vndis
Obruat Ister.

Summa sit nostri tibi cura regni,
Nos tuâ fulci prece, qua fatigas
Virginem Sanctam, Dominumque cæli
Cuncti potentem.

Tu decus nostrum nitidumque Sydus
Peruigil custos referentis horti
Artium fructus; Academici tu
Gloria Lauri.

Donec umbrosis Heliconis aruis
Concinent dulces iterando cantus
Virgines Musæ, tibi magna semper
Carmina surgent.

Quam diu florens Academicorum
Hortus in Lechi regione pulchros
Proferet fructus tua viuet omni
Tempore fama.

Subueni magnis Pater alme rebus
Te vocat fundens pia vota Lechus,
Et tibi pubes generosa Lechi
Carmina pangit.

Cēr.

1 Cernis, vt fæde Scythici molossi
Rusis pingues populentur agros,
Eruant vrbes; rapidoque rura
Igne cremantur.

ODE Dicolos Distrophos.
Excellentissimo ac Doctissimo D.
Philosophicæ facultatis DECANO.

TE iuuat aprici Splendor cum fructibus horti,
Clarum Sydereæ Strazycii
Artis; tunc concessa tibi sunt munera Floræ
Plurima, nec parum tibi prodest
Sydereas quæsisse domos, ac mente rotundum
Percurrisse polum memorando.
Claret conspicuus sic primus Broscius horto,
Vt Cedrus Libani vel vt alta.

Gratus & ancipitis (quamuis post funera) iuris
Pudlouius celebratur abunde.
Sydereæ præstans laudatur & Hercius artis,
Tam nitidos producit odores.
Et tu fragrantis florebis palmitis instar,
Fructifero laudandus in horto.

B

Enhor-

En hortus prabet laudis iam signa futuræ,
Quam læta tibi voce precamur.

Excellentiss: DD. Examinatoribus

ODE Dicolos Distrophos.

Celebre gaudet aureis satis genus
Trucis Iapeti floribus
Hortusque tantis viribus per æthera
Fertur renidens: Sed magis
Pomona Craci cum suis celebrior
Fulget nitetque vitibus,
Per æuiterna non tacendis tempora.
Si vis virentes arbores
Viret diserta SLOMKOVII facundia,
Si fructuosas palmites,
Fructus feraces cernes Wieczorkouij.
Si quæris atque nobiles
Sacrata palmes conuenit Krasnicio,
O Floridantes palmites
Tanti vireti, quæ fragrant mentibus
Fructus & aureos datis.
Perennis Vestra laus vigeat hortulo
Hortusque tam clarus satis.

VV. DD.

VV. DD. Candidatis primæ

Laureæ. *ODE.*

Iam quicquid placidum protulit æthere
Ortis Ver referans prata Fauonijs.
Quicquid spicea tostis
Æstas frugibus attulit.
Cunctis pampineus possidet affluens
Autumnus, grauidus versicoloribus
Pomis, nunc vigil vuas
Carpit, nunc Cerealiam.
Hospes dona legit, pomaque pendula,
Fætus arboreos, & redolentia
Gratus munera Bacchi,
Autumnus riguo excipit
Horto, quas tetulit fructiferas opes.
Autumno iuuenes carpite punica,
Botros carpite vini
Nam hortus suavis odoribus.
Carpunt Serta duces, hinc sibi florida,
Carpunt Sacricolæ Palladis oleas,
Carpit vinitor vuas
Palmas turbaque militum.

B 2

Et vos

Et vos doctiloquæ Palladis hortulo
Fructus Sacrifico carpite pollice,
Sacram docta Minerua
Poscit prouida dexteram.

I. V. D. SEBASTIANO OBELSKI

S Axofos pete vortices
Cliuosi que iugi Scande cacumina,
Lætus montis Olympij.
Nec non laurigeræ culmina Palladis
Illic fraga rubentia
Floræ delicias, arboreos leges
Fætus, præmia Palladis
Splendet docta iugis Pallas in arduis,
Altis fraga fragrantia
Nascuntur siquidem peruia montibus.

II. V. D. IOANNI FRYSKI.

A Sfiduo Studio dulces celebrare Camænas,
Non neglexisti: nunc cape poma libens.

Maio-

Maiores tibi Parnassus vult reddere fructus,
Si bene legeris hic, laurea ferta feres.
Sunt alijs flores: ast fert Academia odores
Vernantisque rosæ: tum violarum odor est.

III. V. D. ANDREÆ HANNON.

Horti Sarmatici cupiens dum limina scandis
Felix crede mihi dulcia vina bibes.
Ad molles somnos Cytharam pulsabit Apollo
Huc aderunt Zephyri, tum leue murmur aquæ.
Ergo Helicone velis fructus captare secundos
In Cracio: tua mens hoc tibi monstrat iter.

IV. V. D. ALBERTO RAKOCKI.

V Ides ut hortis poma rubentia
Autumnus omni deses inertia
Decerpit: ast Conatus iste
Tendit in ardua diligenter.
Ergo libenter poma rubentia
Cingens virenti tempora pampino

D3

Diuos

Diuos Lycæi prædicando
Carpe per assiduos labores.

V. V. D. CYPRIANO STRYCZYN

Ignis aquam, glacies solem, lapis aëra, nolunt
Habere coniunctos sibi.

Dici se Socialem dulce recusat amari

Tu comparare fac queas.

Suauia sunt læto nec suauia poma vireto,

Carpas libenti dextera.

Quæris: quæ possunt dici non suauia poma?

Quæ carpis ardua manu.

Dulcis hæud cura est, Sapientia dulcior illa,

Hæc iuncta sunt semper sibi.

VI. V. D. PETRO KINCZEWIC.

Non idem cunctos recreat nec vna.

Omnibus mens est: alijs amæni

Perplacent fructus alijsque sola

Florida palmes.

Quæ

Quæ placent carpas redolentis horti:
Phæbeam laurum caput vt coornes.

Principum regum decorantur ipsa
Tempora lauro.

VII. V. D. MATTHIÆ FVGASZEWICZ.

Florida nunc virides secum ferat Eggada pal-
mas,

Hic tua palma viret

Quam tibi pro magnis confert Academia curis

Ac vigili studio.

Accipias igitur pulchri nunc Stemma tryumphi

Quod tua palma notat.

VIII. V. D. HYACINTHO STVCKI.

Non iam turgescant lauris, Permessus, & in-
gens

Pæneus: en lauros fert Academus ager.

Hic hortus viridi cinget tua tempora lauro

Ornabitque tuum sic Hyacynthe caput.

Ergo

Ergo tuis meritis magnoq; parata labori
Horto ex florenti laurea ferta refer.

IX. V. D. MATTHIÆ PIETRASZEWSKI.

Pampinei turgent iam pleno nectare botri,
Palmesq; colla porrigit.

Carpe, tibi nitidos dulces & carpe corymbos
E tam patente palmite.

Hinc etenim poteris suaues exprimere succos
Mentem & lauare languidam

X. V. D. MARTINO MIERNECKI.

Atlas fructibus inclytus
Nec elata gerat colla sub arduum
Diues terra Calabria.

Fert fructus nitidos nunc Academicus

Hortus: qui caperis fame,

Hanc pelles varia fruge scientiæ.

Si prædiuitis hortuli

Descendes sitiens ad Viridaria.

V. D.

XI. V. D. LVCÆ ZAKRZEWSKI.

Cerne, suum ut laurus tenet inuiolata virorem,
Hortus & iste viret.

Sic tua si semper virtus conscendet in altum,
Laureus inde viror.

Dum te ornat meritum lauris Academia Alumnū.
Constantis precium grande laboris habe.

XII. V. D. MARTINO GOSKI.

Virtutis ~~dulces~~ si vis cognoscere fructus,
Cognosces quos hic Lechic⁹ hortus habet.
Inuenies facile & Sapientum crescere fructus,
Carpere quos tua cum virtus & ipsa cupit.

XIII. V. D. STANISLAO IAWORKOWIC.

Largius nunquam referent quotannis
Tyburis campi speciosa poma,

C

Aur


Aut Tylos vites geret, aut olentes
Thura Sabæi.

Vt refert hortus viridans Polonis
Vberes fructus, reficit iuuentus
Quæis Suas mentes, animumque morum
Flore coronat.


Iamq; florens lege nunc aperto
Lilium in campo: tibi dat suaues
Hortus in Lechi regione clarus
Carpere flores.

XIV. V. D. IOANNI ARCHOVSKI.

Cresces in Viridantibus
Hortis ingenio tuo.
Ast adsit labor optimus
Fructus eximios feres.



AL.



ALBERTVS RAKOCKI.

V. D. MATTHIÆ MICHAELI
WOLICKI.

Amoris ergo.

Sarmaticis felix iam nunc remanebis in hortis
Laurea ferta tibi Cracia musa dabit.
Iam qui floriferos monstrasti floridus hortos
Horti tam celebris dulcia poma cape:
Et studijs valeas vt prendere culmen honoris
Herculeos cures perdere mente dolos.
Nunc virtuti tuæ confertur laurea merces,
Pomona hæcq; tibi plurima poma dabit.



Sub felicissimis auspicijs.

MAGNIFICI, CLARISSIMI,

& ERUDITISSIMI VIRI.

D. LAVRENTII
SMIESZKOWIC

Philosophiæ & Medicinæ Do
ctoris. Procancellarij Almæ
Acad. CRAC. nec non Vigi
lantissimi eius.

dem.

RECTORIS.

